

篋中集序

元結作篋中集成問曰公所集之詩何以詩之

對曰風雅不興幾及千歲溺於時者世無人哉  
嗚呼有名位不顯年壽不將獨無知音不見稱  
顯死而已矣誰云無之近世作者更相沿襲拘  
限聲病喜尚形似且以流易爲詞不知喪於雅  
正然哉彼則指詠時物會諧絲竹與歌兒舞女  
生污惑之聲於私室可矣若今方直之士大雅  
君子聽而誦之則未見其可矣吳興沈千運獨  
挺於流俗之中強攘於已溺之後窮老不惑五

篋中集序

一

十餘年凡所爲文皆與時異故朋友後生稍見  
師效能侶類者有五六人嗚呼自沈公及二三  
子皆以正直而無祿位皆以忠信而又貧賤皆  
以仁讓而至喪亡異於是者顯榮當世誰爲辨  
士吾欲問之天下兵興於今六歲人皆務武斯  
爲誰嗣已長逝者遺文散失方阻絕者不見近  
作盡篋中所有摠編次之命曰篋中集且欲傳  
之親故冀其不忘於今凡七人詩二十四首時  
乾元三年也

篋中集目錄

元結次山編



沈千運四首

感懷弟妹

贈史修文

滌中言懷

山中作

王季友二首

別李季友

寄韋子春

于逖二首

野外作

憶舍弟

孟雲卿五首

篋中集目

一

古樂府挽歌

今別離

悲哉行

古別離

傷懷贈故人

張虓四首

雜詩

神仙

北遊還孟雲卿

古別離

趙徵明三首

回軍跛者

挽歌詞

思歸

元季川四首

泉上雨後作

登雲中

山中晚興

古遠行

篋中集目錄

篋中集目

二

元結次山編

沈千運四首

感懷弟妹

今日春風煖。東風杏花折。筋力又不如。却羨澗  
 中石。神仙杳難準。中壽稀滿百。逐世多天傷。喜  
 見鬢髮白。杖藜竹樹間。宛宛行舊跡。豈非林園  
 主。却是林園客。兄弟可存半。空為亡者惜。冥冥  
 無再期。哀哀望松栢。骨肉能幾人。年大自踈隔。  
 性情誰免此。與我不相易。唯念得爾輩。時看慰  
 朝夕。平生茲已矣。為盡非適。

篋中集

贈史修文

故人阻千里。會面非別期。握手於此地。當歡返  
 成悲。念離宛猶昨。俄已經於暮。疇昔皆少年。別  
 來鬢如絲。不道舊姓名。相逢知是誰。曩游盡騫  
 翥。與君仍布衣。豈曰無其才。命理應有時。別路  
 漸欲少。不覺生涕淚。

濮中言懷

聖朝憂賢良。草澤無遺匿。人生各有命。在餘胡  
 不激。一生但區區。五十無寸祿。衰退當棄捐。貧

賤招毀讒。栖栖去人世。此蹟日窮迫。不如守田園。歲晏望豐熟。壯年失宜畫。老大無筋力。始覺前計非。將貽後生福。童兒新學稼。少女未能識。顧此煩知己。終日求衣食。

山中作

棲隱非別事。所願離風塵。不辭城邑遊。禮樂拘束人。爾來歸山林。世事皆吾身。何者爲形骸。辨智與諸仁。寂寞了閑事。而後知天真。咳唾矜崇華。迂俯相屈伸。如何巢與由。天子不知臣。

作王季友二首

陵中集

二

別李季友

棲鳥不戀枝。喈喈在同聲。行子馳出戶。依依主人情。昔時霜臺鏡。醜婦羞爾形。閉匣二十年。皎潔常猶明。今日照離別。前途白髮生。

寄韋子春

出山祕雲櫺。山木已再春。食我山中藥。不憶山中人。山中誰餘密。白髮惟相親。雀鼠晝夜無。知我廚廩貧。依依比舍松。不厭吾南隣。有情盡弃捐。土石爲同身。

于逖二首

宋本此作

宋本通前作

宋本辨作

宋本馳作

宋本作

野外行

老病無樂事。歲秋悲更長。窮郊日蕭索。生意已  
花黃。小弟髮亦白。兩男俱不強。有才且未達。况  
我非賢良。幸以朽鈍姿。野外老風霜。寒鴉噪晚  
景。喬木思故鄉。魏人宅蓬池。結網佇鱸魴。水清  
魚不來。歲暮空彷徨。

憶舍弟

衰門少兄弟。兄弟唯兩人。飢寒各流浪。感念傷  
我神。夏期秋未來。安知無他因。不怨別天長。但  
願見爾身。茫茫天地間。萬類各有親。安知汝與  
我。乖隔同胡秦。何時對形影。憤懣當共陳。

懷中集

三

孟雲卿五首

古樂府挽歌

草草門巷喧。塗車儼成位。冥冥何得盡。戴我生  
人意。比邱路非遠。此別終天地。臨穴頻撫棺。至  
哀友無淚。爾形未衰老。爾息猶童稚。骨肉安可  
離。皇天若容易。房帷即靈帳。庭宇爲衰次。薤露  
歌若斯。人生盡如寄。

今離別

結髮生別離。相思復相保。如何日已遠。五變中

庭草渺渺天海途。悠悠吳江島。但恐不出門。出門無遠道。遠道行既難。家貧衣裳單。巖風吹積雪。晨起鼻何酸。人生爲有志。豈不懷所安。分明天上日。生死誓同觀。

### 悲哉行

孤兒去慈親。遠客喪主人。莫吟辛苦曲。此曲誰忍聞。可聞不可見。去去無形迹。行人念前程。不待參晨設。朝亦常苦飢。暮亦常苦飢。飄飄萬餘里。貧賤多是非。少年莫遠遊。遠遊多不歸。

### 古別離

陸中集

四

朝日上高臺。離人愁秋草。如見萬里天。不見萬里道。含酸欲誰訴。轉轉傷懷抱。君行本迢遠。苦樂良誰保。宿昔夢同衾。憂心夢顛倒。結髮年已遲。征行去何早。寒暄有時謝。憔悴亦難好。人皆美年壽。死者何曾老。少壯無見期。水深風浩浩。

### 傷懷贈故人

稍稍晨鳥翔。泚泚草上霜。人生早艱苦。壽命恐不長。二十學已成。三十名不彰。豈無同門友。貴賤易中腸。驅馬行萬里。悠悠過帝鄉。辛因絃歌末。得上君子堂。衆樂互喧奏。獨子備笙簧。坐中

宋作人

宋作憂

宋作

無知音。安得神揚揚。願因高風起。上感白日光。

張處四首

雜詩

富貴多勝事。貧賤無良圖。上德兼濟心。中才不  
如愚。商者不巧智。農者爭膏腴。儒生未遇時。衣  
食不自如。久與故交別。他榮我窮居。到門懶入  
門。何況千里餘。君子有福性。矧乃尋常徒。行行  
任天地。無為強親踈。

神仙

神仙可學無。百歲名大約。天地何茫茫。人間半

篋中集

五

哀樂。浮生亮多感。善事翻為惡。爭先等驅馳。中  
路苦瘦弱。長老思養壽。後生笑寂寞。五穀非長  
年。四氣乃靈藥。列子何必待。吾心滿寥廓。

北遊遠酬孟雲卿

忽忽望前事。志願能相垂。衣馬又羸弊。誰信幸  
與才。善道居貧賤。潔服蒙塵埃。行行無定心。墮  
坎難歸來。慈母憂疾疢。至家念栖栖。與君宿姻  
親。深見中外懷。俟餘惜時節。悵望臨高臺。

古別離

別離無遠近。事懽情亦悲。不聞車輪聲。後會將

字本  
多不

字本  
忽作  
宋本  
文照  
才與

宋本  
餘作  
余



何時去日忘寄書來日乖前期縱知明當返一  
息千萬思

趙微明三首

回軍跋者

既老又不全始得離邊城一枝假枯木步步向  
南行去時日一百來時一日程常恐道路旁掩  
弃狐兔瑩所願死鄉里到日不願生聞此哀怨  
詞念念不忍聽惜無異人術倏忽具尔形

挽歌詞

寒日蒿上明淒淒郭東路素車誰家子丹旆引

篋中集

六一

將去原下荆棘叢叢邊有新墓人間痛傷別此  
是常別處曠野多蕭條青松白楊樹

思歸

爲別未幾日去日如三秋猶疑望可見日日上  
高樓惟見分手處白蘋薄芳洲寸別寧死別不  
忍生離

元季川四首

泉上雨後作

風雨蕩繁暑雷息佳霽初衆峰帶雲雨清氣入  
我廬颯颯涼飈來臨窺愜所圖綠夢長新夢裏

空本  
滿薄作

空本  
月一程

裏垂坐隅流水復驚下丹砂發清渠養葛爲我  
衣種芋爲我蔬誰是畹與畦淋漓漫連野蕪

登雲中

灌田東山下取藥在爾休清興相引行日日三  
四周白鷗與我心不厭此中遊窮覽頗有適不  
極趣無幽慘然歌采薇曲盡心悠悠

山中晚興

河漢降玄霜昨來節物殊媿無神仙姿豈有陰  
陽俱靈高望不見慨然悲高梧華葉隨風揚珍  
條雜榛蕪爲君寒谷吟歎息知何如

篋中集

七

古遠行

悠悠遠行者羈獨當時思道與日月長人無茅  
舍期出門萬里心誰不傷別離縱遠當白髮歲  
月悲今時何況異形容安須與爾悲

丙午中祿前三日据臨安府太廟前大街尹家書籍

鋪刊行本校一過

荃孫

篋中集終

深本高  
鳥作

宋作本  
者行  
獨作